

no era venuto in colegio, a dir aver letere del suo re, aver soto scritto a li capitoli *contra infideles* e non contra la Signoria; et che, inteso le preperation fa il re di Franza contra la Signoria, il suo re voria saper la causa di questa inimititia, offerendossi *etc.* bon amico di questa Signoria, e voler perseverar in l' amittitia. Et perhò li savij messeno, che al dito orator per il serenissimo li sia risposto, la causa esser come dice il re di Franza, perchè la Signoria à dà 8 favor al re suo di Spagna ad aquistar tutto il reame di Napoli et cazar francesi; poi di la trieva havemo fata col re di romani *etc.*, con molte parole, *ut in parte*. Et sier Polo Pixani, el cavalier, savio dil consejo, et sier Antonio Justiniam, dotor, savio a terra ferma, vol la parte, con questo si dichi più, che, volendo soa majestà vegnir a liga e intelligentia, semo contenti, perchè soa majestà ha stato in Italia *etc.*, *ut in parte*. Parlò primo per la soa opinion sier Polo Pixani; li rispose sier Andrea Gritti. Poi parlò sier Alvise di Prioli, fo savio a terra ferma, *quondam* sier Piero, procurator, per la opinion di savij. Or andò le do opinion, et di 20 balote fo presa quella dil Pixani e Zustignan, e comandà grandissima credenza, e tutta via cazà li papalista.

Fu posto, per li savij, elezer, con pena, do provedadori in campo in Lombardia, habino a risponder la matina a terza, con cavali 12, computà il secretario, et ducati 120 per uno al mexe, per spexe, e si partino quando parerà al colegio; fo presa. Et electo il scurtinio, sier Zorzi Corner andò a la Signoria, dicendo era cazà in tutte materie, erà papalista, et non doveva esser balotato. Il principe gli rispose havesse patientia, che poteva esser balotato. Et cussì rimase sier Andrea Gritti et sier Zorzi Corner, el cavalier, preditto, qualli erano savij dil consejo; et questo è il scurtinio qui soto posto. Et pregadi vene zoso a horre 4 di note.

*Electi do provedadori zenerali in campo
in Lombardia.*

Sier Piero Marzello, fo capitano a Bergamo,
quondam sier Filippo
Sier Marin Zorzi, el dotor, fo capitano a Bre-
xa, *quondam* sier Bernardo
Sier Andrea Loredam, fo luogotenente in la
Patria di Friul, *quondam* sier Nicolò
Sier Zustignan Morexini, fo provedador in
campo, *quondam* sier Marco
Sier Cristophal Moro, el consier, *quondam*
sier Lorenzo

Sier Piero Duodo, el consier, *quondam* sier

Luca

† Sier Andrea Gritti, fo provedador zeneral in
campo, *quondam* sier Francesco 144

Sier Pollo Capello, el cavalier, fo capitano a
Cremona, *quondam* sier Vettor

† Sier Zorzi Corner, el cavalier, fo provedador
zeneral in campo, *quondam* sier Marco,
cavalier 118

Sier Zorzi Emo, fo provedador zeneral in
campo, *quondam* sier Zuan, cavalier . . 82

*A dì 15. Fo una letera, la matina, dil re di
Ingiltera.* Scrive a la Signoria, come, per letere dil
cardinal suo amico, Hadriano, *tituli sancti Griso-*
goni, ch' è a Trani, à inteso l' amor li porta la Si-
gnoria nostra, et è ben contracambiato, e si offerisse;
e ringratia *etiam* la Signoria di la bona ciera fata al
suo messo, stato qui per il vin di Vipao *etc.* Una
bona e bonissima letera.

Fo in colegio l' orator yspano, al qual fo exposto
quanto occorreva et fu preso dirli im pregadi; et
che lui dovesse catar il modo di mandar letere a la
corte *etc.*

Da poi disnar fo consejo di X con la zonta, la 8.
qual vene zoso a hore 1/2 di note, e poco da poi il
consejo di X. Et subito disciolto, zonse Octavian di
Chalepio, secretario di sier Zacaria Contarini, el ca-
valier, capitano a Cremona. Qual è stato a Salzpurch,
a parlar a domino Paulo Letistener, consier regio,
per la materia si trata col re di romani, mandato
per lo consejo di X con la zonta. El qual à fato bona
opera, come el referi. Et per aldirlo, fo mandato per
alcuni di colegio in camera dil principe, *videlicet*
sier Domenego Trivixan, cavalier, procurator, sier
Andrea Gritti, sier Pollo Pixani, cavalier, sier Anto-
nio Zustignan, dotor, e altri; et referite il tutto.
Laudato *etc.*

Item, *vene letere di Roma, di Civita Vechia,*
di 12 da sera. Dil zonzer li l' orator nostro Pixani,
avanti zonzesse il papa *etc.*, *ut in litteris.* Il suma-
rio scriverò di soto.

Noto. Fo ditto, il signor Bortolo d' Alviano, stato
in veronese, havia ordinato tajar il Tartaro, per for-
tificar el veronese dil mantoam, et redur li paludi
come era.

Di Cremona, vidi letere, di 12.

.
.
.
.
.